

Møteprotokoll

Utvalg: Nasjonalparkstyret for Jotunheimen og Utladalen
Møtestad: Telefonmøte
Dato: 17.02.2014
Tidspunkt: 10:00 – 10:50

Følgjande faste medlemmer møtte:

Namn	Funksjon	Representerer
Mai Bakken	Leiar	
Ivar Kvalen	Nestleiar	
Vidar Eltun	Medlem	
Arild Ingar Lægreid	Medlem	
Jørاند Ødegaard Lunde	Medlem	
Frida Melvær	Medlem	

Følgjande medlemmer hadde meldt forfall:

Namn	Funksjon	Representerer
Iselin Jonassen	MEDL	

Følgjande varamedlemmer møtte:

Namn	Møtte for	Representerer
------	-----------	---------------

Merknader

Ivar Vistekleiven vart varsla som vararepresentant for Iselin Jonassen, men hadde ikkje høve til å møte på så kort varsel.

Frå administrasjonen møtte:

Namn	Stilling
Magnus Snøtun	Nasjonalparkforvaltar
Kari Sveen	Nasjonalparkforvaltar
Rigmor Solem	SNO

Underskrift:

Vi stadfestar med underskriftene våre at det som er ført på dei sidene vi har signert i møteboka, er i samsvar med det som vart vedteke på møtet.

Saksliste

Utvalgs- saksnr	Innhold	Lukket	Arkiv- saksnr
ST	Godkjenning av protokoll/innkalling		
ST	Referatsaker		
ST	Delegerte vedtak		
	Justering av tidspunkt for oppstart av kvisting frå Fondsbu - delegert vedtak		2013/1014
ST	Jotunheimen nasjonalpark - Dispensasjon - 2014 - Omlegging av sti nord for Russvatnet for ny kryssing av Tjønnholåe - DNT Oslo og Omegn		2014/622
ST	Jotunheimen nasjonalpark - Dispensasjon - Motorferdsel - Stikking av vinterløype Memurubu - Leirvassbu - Leirvassbu Fjellstue og Memurubu Turisthytte		2011/5058
ST	Jotunheimen som pilot for implementering av besøksforvaltning i norske nasjonalparker		2014/712
ST	Eventuelt		

ST 14/2014 Godkjenning av protokoll/innkalling

Saksprotokoll i Nasjonalparkstyret for Jotunheimen og Utladalen - 17.02.2014

Vedtak

Protokoll frå førre møtet godkjent.
Ingen merknader til innkalling og dagsorden.

Vidar Eltun og Arild Ingar Lægreid vard valde til å skrive under protokoll saman med
leiar Mai Bakken.

ST 15/2014 Referatsaker

Saksprotokoll i Nasjonalparkstyret for Jotunheimen og Utladalen - 17.02.2014

Nasjonalparkstyret vart orientert om to saker:

1. Utvikling innfallsport i området rundt Utladalen Naturhus

Magnus Snøtun orienterte om planar for utvikling av Skåri/Utladalen Naturhus som innfallsport til nasjonalparken og landskapsvernområdet – jf prioriterte tiltak i besøksstrategien og bestillingsdialog der det var sett av midlar i 2013 til naturstig eller liknande aktivitetar. Aktiv naturinformasjon og klatreløype er blant ideane som har kome opp så langt.

Arild Ingar Lægreid stadfesta at Årdal kommune ser med interesse på ideane, og kommunen er innstilt på å bidra til vidare utvikling av området.

2. Haute Route Jotunheimen

Marknadsføring av rute for toppturar på ski i Jotunheimen – sjå siste nummer av Fjell og Vidde og video <http://vimeo.com/79476644>

ST 16/2014 Delegerte vedtak

Saksprotokoll i Nasjonalparkstyret for Jotunheimen og Utladalen - 17.02.2014

Vedtak

Nasjonalparkstyret tek delegert vedtak til orientering.

2/2014 Justering av tidspunkt for oppstart av kvisting frå Fondsbu - delegert vedtak 2013/1014

ST 17/2014 Jotunheimen nasjonalpark - Dispensasjon - 2014 - Omlegging av sti nord for Russvatnet for ny kryssing av Tjønnholåe - DNT Oslo og Omegn

Saksprotokoll i Nasjonalparkstyret for Jotunheimen og Utladalen - 17.02.2014

Vedtak

DNT Oslo og Omegn får med heimel i Naturmangfaldlova § 48 løyve til riving av eksisterande hengebru over Tjønnholåe og løyve til oppføring av klopper over småelvene ca 500 meter nedanfor eksisterande brystad. Det blir samstundes gjeve løyve til omlegging av ruta på den aktuelle strekninga, for tilpassing til nytt kryssingspunkt langs strandsonen nord for Russvatnet. Tiltaket vert vurdert å vera i samsvar med forslag til forvaltningsplan for Jotunheimen nasjonalpark (2008).

Tiltaket gjeld omlegging av ei eksisterande fotturrute, og vil i seg sjølv ikkje medføre ekstra trafikk innan verneområdet. Tilrettelegginga er vurdert etter dei miljørettslege prinsippa i naturmangfaldlova §§ 8-12.

Riving og nyanlegg i same området blir ikkje vurdert å gje negative konsekvensar for naturmangfaldet. Landskapsmessig vil kloppene gje liten innverknad på landskapet.

Løyve er gjeve på følgjande vilkår:

- Arbeidet med opparbeiding av stigen skal følgje retningslinjene i merkehandboka til DNT.
- Merkinga på dagens stig skal fjernast. Det er viktig med god merking der den nye stigen tek av frå dagens trase slik at fotturistar berre nyttar ein stig.
- Tiltakshavar må ha ein gjennomføringsplan som sikrar at samla transport og øvrig miljøbelastning blir redusert til eit minimum. Alle restar etter den gamle brua skal demonterast og fraktast ut i samband med slutføring av den nye passeringssløysinga med klopper. Om mogleg bør transporten samordnast med transport knytt til omlegging av kryssinga over Blåtjønnåe.

Det blir samtidig gjeve løyve til nødvendig motorferdsel for transport som følgjer av tiltaket (materialar inn og uttransport av rivingsmaterialar). Tidspunkt for transport og opplysning om kjøretrasé skal varslast SNO v/ Rigmor Solem – mob. 959 65 158 – seinast dagen før gjennomføring

Det er ein føresetnad at også grunneigar gjev løyve.

ST 18/2014 Jotunheimen nasjonalpark - Dispensasjon - Motorferdsel - Stikking av vinterløype Memurubu - Leirvassbu - Leirvassbu Fjellstue og Memurubu Turisthytte

Saksprotokoll i Nasjonalparkstyret for Jotunheimen og Utladalen - 17.02.2014

Vedtak

Med heimel i verneforskrifta pkt. 1.3.2. og 5.3.2 blir det opna for kvisting av skiløype mellom Memurubu og Leirvassbu i samband med påskesesongen, på følgjande vilkår:

- Ordninga gjeld tilrettelegging av skiløype for påskesesongen, for perioden 2014-2016. Kvistinga kan starte inntil 2 veker før påske, for å ha tid til rekognosering for skredfarevurdering og kvisting av traséen i god tid før palmesøndag.
- Til kvistinga skal det nyttast kvist frå norske lauvtre. Bambuskvist eller merke av kunstmateriale er det ikkje høve til å nytte.
- SNO v/ Rigmor Solem (mob. 959 65 158) / fjelloppsynet skal varslast seinast dagen før kjøring med snøscooter, og det må varslast kven som skal stå for kvistearbeidet. Det er positivt at lokalt hjelpekorps vert involvert i arbeidet.
- Dersom det blir gjort registreringar som tilseier at ferdsel i området kan medføre skader eller ulemper for naturmiljøet, kan Nasjonalparkstyret ta saka opp til ny vurdering. Dette vil i så fall skje i nær dialog med tiltakshavarane.

Det er ein føresetnad at tilrettelegginga blir gjort etter konkret vurdering av skredfare ut

ifrå til kvar tid gjeldande snøforhold. Utfordringa her er først og fremst tryggleiken i området, men dette ligg utanom nasjonalparkstyret sitt ansvarsområde, og må såleis byggje på tiltakshavar si generelle vurdering av tryggleik ved ferdsel i vinterfjellet.

ST 19/2014 Jotunheimen som pilot for implementering av besøksforvaltning i norske nasjonalparkar

Saksprotokoll i Nasjonalparkstyret for Jotunheimen og Utladalen - 17.02.2014

Vedtak

Nasjonalparkstyret for Jotunheimen og Utladalen vurderer besøksforvaltning som eit framtidsretta verkty for å løyse forvaltningsutfordringar i Jotunheimen nasjonalpark, og søker om deltaking i Miljødirektoratet sitt pilotprosjekt.

Styret er innstilt på å prioritere ressursar til dette arbeidet i perioden 2014 – 2017.

Som første nasjonalpark med eigen besøksstrategi meiner vi at Jotunheimen peikar seg ut som ein svært aktuell kandidat, da vi allereie har denne som eit verdifullt grunnlag for å vise resultat innan pilotperioden. Jotunheimen ein typisk brukspark med omfattande reiselivsverksemd i og rundt parken. Nasjonalparkstyret ser moglegheiter for å leggje til rette for ei meir aktiv forvaltning for å gje grunnlag for auka verdiskaping, der ein samstundes legg vekt på å ta vare på verneverdiane i eit langsiktig perspektiv. For nærare dokumentasjon og grunngjeving viser vi til vedlagt notat.

I eit eventuelt møte med Miljødirektoratet for presentasjon av kandidaturet, deltek styreleiar, nasjonalparkforvaltarane, lokal SNO-medarbeidar og ein representant frå Norsk Fjellmuseum – som forvaltningsknutepunkt og autorisert nasjonalparksenter.

ST 20/2014 Eventuelt

Saksprotokoll i Nasjonalparkstyret for Jotunheimen og Utladalen - 17.02.2014

Vidar Eltun orienterte om samlinga for styreleiarar og nestleiarar som var på Lillehammer 15. januar.